

# Канон святой блаженной Ксении Петербургской

Память празднуем 24 января (6 февраля)

## Глас 8-й

### Песнь 1

*Ирмос:* Воду прошэд, яко сүшу, и египетскаго зла избежав, израильтянин вопиаше: Избавителю и Богу нашему поим.

Припев: Свята́я блаже́нная ма́ти на́ша Ксе́ние, моли́ Бо́га о нас.

Водо́ю креще́ния омы́вшись, перво́роднаго греха́ изба́вилася еси́, ма́ти Ксе́ние, и на́ша сердца́ слеза́ми покая́ния очисти́, просвеще́ние пода́ющи почита́ющим святу́ю па́мь твою́.

Свята́я блаже́нная ма́ти на́ша Ксе́ние, моли́ Бо́га о нас.

В воде́ креще́ния зми́я лука́ва потопи́вшая, жити́ем твои́м страда́льческим вра́жию си́лу умертви́ла еси́, блаже́нная, от не́яже и нам изба́витися Спа́са умоли́.

*Слава:* Воду́ живу́ю неисто́щимых даро́в подаде́ тебе́ Христо́с, блаже́нная ма́ти, Егоче́ нищету́ во́льно возлюби́ла еси́.

*И ныне:* Воды́ покая́ния пода́ждь ми, Пречи́стая, и, очисти́вши мя от нечи́стоты́ грехо́вныя, чи́ста предста́ви, Богороди́тельнице, Сы́ну Твоему́ и Бо́гу.

### Песнь 3

*Ирмос:* Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ в любви́ Твое́й, желаний́ кра́ю, ве́рных утвержде́ние, Еди́не Человеколю́бче.

Свята́я блаже́нная ма́ти на́ша Ксе́ние, моли́ Бо́га о нас.

Небе́снаго кру́га Зижди́телю все жити́е твоё отда́вши, возлюби́ла еси́ Того́ до конца́, сподо́би и нас моли́твами твои́ми, блаже́нная, люби́ти Го́спода до конца́ дний на́ших.

Свята́я блаже́нная ма́ти на́ша Ксе́ние, моли́ Бо́га о нас.

Небе́сная жи́зни жела́я, в жити́и твоём вся земна́я пренебрегла́ еси́, сподо́би и нас, ма́ти Ксе́ние, моли́твами

твоими небесными жизни достигнути.

**Слава:** Небеснаго чертога желаящи, странническое житие прешла еси, и ныне со всеми святыми в небесных чертогах ликуеши.

**И ныне:** Небеснаго Творца, Богородице Всепетая, рождши, небес пространнейшая явилася еси. Нас от пространнаго пути погибельна уклоняши, на небесный путь настави, молимся.

### **Седален, глас 5-й**

Яко странница во граде святого Петра явилася еси, благоволением Божиим укрепляема, матери премудрая, Божественных даров и чудес удостоившаяся. Темже, имущи дерзновение ко Христу Богу, мир испроси душам нашим и велию милость.

### **Песнь 4**

**Ирмос:** Услышах, Господи, смотрения Твоего таинство, разумех дела Твоя и прославих Твое Божество.

Святая блаженная матери наша Ксения, моли Бога о нас.

Услышавши, Ксения, яко небеса поведают славу Божию, отвергла еси суету мирскую и в подвиге поста и лишения на земли Бога славить возжелела еси, Егоже славить и нас сподоби.

Святая блаженная матери наша Ксения, моли Бога о нас.

Услышавши и уразумевши дела Господня, прославила еси Его Божество, надеждою и любовью к Немю украсивши душу твою, подвигами благочестия просветилася еси, блаженная, Божиею силою укрепляемая.

**Слава:** Услышавши прещения вражеская и всякие козни от них терпящи, непоколебима пребыла еси, и нас непоколебимых в добродетелех утверди.

**И ныне:** Услыши, Пречистая Владычице, моления наша, и избави нас от насилия вражия, и глас Христов, призывающий благословенныя в Царство, услышати сподоби.

## **Песнь 5**

**Ирмос:** Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Святая блаженная мати наша Ксение, моли Бога о нас.

Просвещаяхуся вернии людие, зряще незлобие и кротость твою, мати Ксение, помози и нам, блаженная, подражати твоему незлобию.

Святая блаженная мати наша Ксение, моли Бога о нас.

Просветивши стезю жизни твоея светом Богоразумия, Христа Господа вседушне возлюбила еси, сподоби и ны, блаженная Ксение, в сем быти тебе подражатели.

**Слава:** Просвети нас, о мати Ксение, надеждою и любовью ко Господу, ныне бо зрящи Христа лицом к лицу, света неизреченнаго наслаждаешися, Тому за ны молися.

**И ныне:** Просветила еси омраченное естество, Богородице, Свет Истинный рождши, темже и нас Светом просветивши, от мрачных враг свободи.

## **Песнь 6**

**Ирмос:** Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Святая блаженная мати наша Ксение, моли Бога о нас.

Молитву, яко источник приснотекущий, ныне изливаеши, недужныя исцеляющи, крепость и силу страждущим подающи, сподоби и нас молитвами твоими избавитися от всяких лютых.

Святая блаженная мати наша Ксение, моли Бога о нас.

Молитвою небесною и по кончине твоей от недуг свободяеши, целительнице безмездная, достойно хвалима еси на земли, молися о душах наших.

**Слава:** Молитву нашу прими, мати Ксение, да в честный

храм твой приидем со тщанием и недугов душевных и страстей телесных исцеление скоро приимем.

*И ныне:* Молитвою Твоею всемошною, Пречистая, избави нас враг видимых и невидимых, от грехов и всякия муки, яко рождающая Человеколюбца Бога.

### *Кондак, глас 3-й*

Днесь светло ликует град святого Петра, яко множество скорбящих обретают утешение, на твои молитвы надеющиеся, Ксения всеблаженная, ты бо еси граду сему похвалу и утверждение.

### *Икос*

Како возмогу, грешный аз, скверный душею и телом, повести еже во плоти равноангельное житие твое и преславная чудеса? Аще убо мнози премудрии не дерзуют исповести многого твоего терпения и смирения и теплыя ко Христу любви, но обаче надеяся на твое заступление, о блаженная, вопию ти: радуйся, яко везде призывающих тя скоро предваряеши, радуйся, яко множество скорбящих обретают тобою утешение, радуйся, святая блаженная мати Ксения, граду сему похвалу и утверждение.

### *Песнь 7*

*Ирмос:* Отроцы еврейстии в пещи попраша пламень дерзновенно и на росу огонь преложиха, вопиюще: благословен еси, Господи Боже, во веки.

Святая блаженная мати наша Ксения, моли Бога о нас.

Отроки еврейския Ангел от огня неопальны сохрани и тебе, Ксения, в странничестве житий укрепил, поюще: благословен еси, Господи Боже, во веки.

Святая блаженная мати наша Ксения, моли Бога о нас.

Детем евангельски подражала еси в житии твоём, стезю тесную пройдши в незлобии, темже и нас на подвиг

добродѣтели сея укрепи, поющих: благословен еси, Господи Боже, во веки.

*Слава:* Отроком в пещи халдейстей подражаючи, Ксэние, воспевала еси Христа, давшаго ти крепость, темже и мы, чтуща ты, блаженная, со дерзновением зовем: благословен еси, Господи Боже, во веки.

*И ныне:* Отроковице Дево, простри на нас милость Сына Твоего, да кромешныя тьмы избавимся мольбами Твоими, поюще: благословен еси, Господи Боже, во веки.

## Песнь 8

*Ирмос:* Победители мучителя и пламене благодатию Твоею бывше, заповедем Твоим zelo прилежаще, отроцы вопияху: благословите, вся дела Господня, Господа.

Святая блаженная мати наша Ксэние, моли Бога о нас.

Победительница страстей явилася еси, Ксэние, люта искушения вражия побеждаючи и непрестанно поющи: благословите, вся дела Господня, Господа.

Святая блаженная мати наша Ксэние, моли Бога о нас.

Побеждаючи всякия страсти греховныя, ты, блаженная, яко свѣтла звезда явилася еси, приводиши бо жены, падшия во грехи, во еже целомудренно жити и в покаянии воспевати: благословите, вся дела Господня, Господа.

*Слава:* Победительница греха явилася еси, блаженная мати, благодать Вышняго имущи. Темже небесная достигла еси, идеже ныне со Ангелы поеши: благословите, вся дела Господня, Господа.

*И ныне:* Побѣде во бранех духовных верным пособствуеши, Пресвятая Дево, темже и людем града нашего помощь Твою низпосли, да Тя выну поем: благословите, вся дела Господня, Господа.

## Песнь 9

*Ирмос:* Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Святáя блаженна́я ма́ти на́ша Ксе́ние, моли́ Бо́га о нас.

Вои́стинну ра́зум Христов имела еси́, Ксе́ние, смире́ние, кро́тость, ве́ру несумне́нну, наде́жду и любо́вь, я́же к Бо́гу, и нас сподо́би, да с тобо́ю Христа́ при́сно велича́ем.

Святáя блаженна́я ма́ти на́ша Ксе́ние, моли́ Бо́га о нас.

Вои́стинну на тебе́, Ксе́ние блаженна́я, исполни́ся Христо́во прорече́ние: претерпе́вый до конца́, той спасе́н бу́дет, ны́не бо со все́ми спасе́нными Христа́ при́сно велича́еши.

*Слава:* Вои́стинну никто́же, притека́яй к тебе́, блаженна́я ма́ти, тощъ благода́ти Бо́жия отхо́дит, ея́же и нас исполни́, да ты велича́ем.

*И ны́не:* Вои́стинну Богоро́дицу Тя, Де́во и Ма́ти Сло́ва, ходатаи́цу су́щую нам, Со́лнце Пра́вды возсия́вшую, ве́рнии, единому́дренно пе́сньми велича́ем.

### **СВЕТИЛЕН**

Яко́же со́лнце светоно́сно, возсия́ ны́не, блаженна́я ма́ти, па́мять тво́я, вся ве́рныя веселя́щи, и́же моли́твенно взыва́ют ти: моли́ся приле́жно спасти́ся нам.

### **МОЛИТВА**

О, святáя всеблаженна́я ма́ти на́ша Ксе́ния! Оби́ды, поноше́ния и насме́шки Христа́ ра́ди претерпе́вшая и за му́жа твоего́, без христиа́нского напу́тствия сконча́вшегося, непреста́нно моли́вшаяся. Виждь тесноту́ души́ мое́я и ско́рбь о умер́ших без пока́яния и причаще́ния Святы́х Тайн сродниках и зна́емых мои́х (*имена*) и умоли́ да́нною тебе́ благода́тию Человеколю́биваго Влады́ку Христа́ Бо́га на́шего, да прости́т им вся согреше́ния во́льная и нево́льная, из глуби́н а́довых да изведёт их, от муче́ний лю́тых изба́вит и мно́жеством милосе́рдия Своего́ ко избра́нным Свои́м сопричтёт их, иде́же ты ны́не в незаходи́мей сия́еши сла́ве, воспева́я Преми́лосе́рднаго Творца́ во ве́ки веко́в. Ами́нь.